



Bermula dengan hobi, Syafiq (kiri) dan Zafri kini menjana pendapatan dengan menjual baka bearded dragon yang mendapat sambutan baik.



Bearded Dragon melalui musim yang berubah-ubah membuatkan peminat kumpulan haiwan itu menanti warna atau baka yang diminati untuk dibela.

Jual cicak tokek jana pendapatan

➔ Dua rakan baik mempunyai minat sama jadikan haiwan kesayangan

Oleh Nas Norziela Nasbah
nasnorziela@bh.com.my

▸ **Serdang**

Sebut sahaja ular, iguana dan cicak tokek, mungkin ramai yang tidak sanggup menjadikan haiwan itu sebagai binatang peliharaan. Apatah lagi untuk membelanya sebagai haiwan kesayangan.

Berbeza pula bagi Muhammad Syafiq Mohd Rush dan Zafri Aiman Zaimer, masing-masing, 20, apa-

bila secara tidak sengaja meminati hobi sama sebelum dipertemukan sebagai rakan sebilik.

Kelebihan itu mendorong mereka untuk mencuba bidang perniagaan menjual barangan kegunaan haiwan eksotik selain baka cicak berjanggut atau *bearded dragon*.

Muhammad Syafiq atau Sapik memberitahu, dia meminati haiwan eksotik sejak di bangku sekolah lagi, bagaimanapun tidak pernah membela *bearded dragon*.

"Saya mula membela *bearded dragon* sejak tahun

lalu, sewaktu pertengahan semester dua ketika mengikuti Asasi Sains Pertanian (ASPER) di Universiti Putra Malaysia (UPM).

"Kebetulan rakan sebilik saya juga meminati haiwan yang sama dan kami banyak buat rujukan mengenai haiwan spesies ini," katanya ketika ditemui di sini, baru-baru ini.

Sekadar hobi

Sapik berkata, bermula hanya sebagai hobi sehingga satu ketika dia dan rakkannya menerima maklum balas orang ramai untuk

membeli spesies itu.

Beliau berkata, setiap bidang yang diceburi pastinya tidak terkecuali menghadapi cabaran dalam perniagaan.

"Banyak cabaran yang perlu kami lalui antaranya penjagaan rapi perlu dititik beratkan memandangkan ini ialah haiwan eksotik.

"Boleh dikatakan musim bagi hidupan *bearded dragon* ini berubah-ubah dan kehendak pembeli pun tidak menentu.

"Ada kalanya dah ada potensi pembeli tetapi baka *bearded dragon* pula tidak

menepati cita rasa mereka," katanya.

Sementara itu, bagi pelajar jurusan mikrobiologi UPM, Zafri Aiman cabaran seperti itu adalah biasa bagi penjual haiwan eksotik malah mereka sentiasa belajar untuk mendekati lagi spesies istimewa ini.

"Kami masih baru dalam bidang ini dan kini fokus kepada 'pattern' yang dipanggil 'tiger' atau *blue bars*.

"Warna pada badan *bearded dragon* pun menjadi fokus kami atas permintaan pencinta spesies itu," katanya